

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ  
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

**ՈՐՈՇՈՒՄ թիվ 419264/06**

**ՎԱՐՉԱԿԱՆ ԻՐԱՎԱԽԱՄՏՄԱՆ ԳՈՐԾԻ ՎԵՐԱԲԵՐՅԱԼ**

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 18.06.2020 թվականի թիվ 74360 վարչական իրավախախտման վերաբերյալ արձանագրությունը, քննելով թիվ 74360 վարույթը և կից նյութերը,

**ՊԱՐԶԵՑԻ**

«Արամ-Շին 2007» ՍՊԸ-ի /ՀՎՀՀ 02262335, իրավ. հասցե՝ ք. Երևան, Ս. Չորավարի 46/5/ տնօրեն Կարեն Արամայիսի Մելքոնյանը /հասցե՝ ք. Երևան, Լեփսիուսի 14/35, անձն. տվյալներ՝ AR0693835, ՀԾՀ՝ 1105780570/ ՀՀ Հարկային օրենսգրքի 156-րդ հոդվածի 5-րդ մասով սահմանված ժամկետում չի ներկայացրել ֆիզիկական անձանց եկամուտների և եկամտային հարկի մասին 2019 թվականի տեղեկությունները, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170<sup>6</sup> հոդվածի 1-ին մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացել: Գործում առարկություն կամ բացատրություն առկա չէ:

Վարույթի շրջանակներում կատարված ուսումնասիրությամբ հայտնի է դարձել, որ 18.06.2020 թվականի դրությամբ 2019 թվականի ֆիզիկական անձանց եկամուտների և եկամտային հարկի մասին տեղեկությունները ներկայացվել են, իսկ ֆիզիկական անձանց վճարված պասիվ եկամուտներից առաջացած հարկային պարտավորությունները վճարվել են, ուստի իրավախախտումն ունի նվազ նշանակություն:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 170<sup>6</sup> հոդվածի 1-ին մասով, սակայն հաշվի առնելով իրավախախտման նվազ նշանակություն ունենալու հանգամանքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244<sup>2</sup> հոդվածներով՝

**ՈՐՈՇԵՑԻ**

1. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Կարեն Արամայիսի Մելքոնյանին ազատել վարչական պատասխանատվությունից և հայտարարել բանավոր դիտողություն:

2. Կարեն Արամայիսի Մելքոնյանի նկատմամբ հարուցված թիվ \_\_\_\_\_ վարչական իրավախախտման գործի վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ զանգատ կարող է լինել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել զանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը \_\_\_\_\_